

Aningaasaliisut aningaasalersuisullu qularnaveerusiiffiginissaannut aningaasaateqarfik pillugu nalunaarut

Kalaallit Nunaanni aningaasaliisut aningaasalersuisullu qularnaveerusiiffiginissaannut aningaasaateqarfik pillugu nalunaarummi nr. 1048-mi 1. september 2010-meersumi § 3, imm. 2, § 4, § 7, imm. 2 aamma 4, § 15 kiisalu § 16, imm. 4, aningaasalersuineramik ingerlataqarneq pillugu inatsisikkut aamma aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsisip allannguutaata Kalaallit Nunaanni atuutilersinnera pillugu nalunaarutikkut nr. 1047-kkut 1. september 2010-meersukkut allannguuteqartitaq, naapertorlugit aalajangersarneqarput:

Atuuffii

§ 1. Nalunaarut makkununga atuutilersinneqassaaq:

- 1) aningaaseriviit,
- 2) qularnaveerusiissutitalinnik taarsigassarsisitsisarfiit,
- 3) aningaasaatinik tuniniaasartutut ingerlatseqatigiiffiit (fondsmæglerselskaber) aamma aningaasalersuineramik aqutsiveqarfittut ingerlatseqatigiiffiit (investeringsselskaber) aningaasalersuineramik ingerlataqarneq pillugu inatsimmi § 10, imm. 2 malillugu akuersisummi pineqartutut ingerlatseqatigiiffiit sulissutigisaat eqqarsaatigalugit, aamma
- 4) taarsigassarsisitsisarfiit aamma aningaasalersuisartutut ingerlatseqatigiiffiit, nunami Europamiut Kattuffiata avataaniittumi, nunat Fællesskabiimit isumaqatigiissuteqarfigineqartut pinnagit, angerlarsimaffillit immikkoortortaqarfii Kalaallit Nunaanni angerlarsimaffillit, Europamiut Kattuffiata aamma Kalaallit Nunaata aningaasalersuisarnikkut isumaqatigiissuteqarfiginngisaat,
- 5) taarsigassarsisitsisarfiit, aningaasalersuisartutut ingerlatseqatigiiffiit aamma aningaasalersuineramik aqutsiveqarfittut ingerlatseqatigiiffiit nunanit Europamiut Kattuffiata iluaneersut imaluunniit nunanit Kattuffiup isumaqatigiissuteqarfigisaaneersut Aningaasaateqarfimmullu attaveqalersimasut immikkoortortaqarfii Kalaallit Nunaanni inissisimasut aningaasalersuineramik ingerlataqarneq pillugu inatsimmi peqqussutikkut atuutilersinneqartumi § 30, imm. 1 malillugu Kalaallit Nunaannut isumaqatigiissutillit aamma aningaasaliisut aningaasalersuisullu qularnaveerusiiffiginissaannut aningaasaateqarfimmut ilanngussimasut, tak. § 2, imm. 1.

Imm. 2. § 16 aamma 17 atortuutinneqassapput aningaaseriviit nunanit Europamiut Kattuffiata iluaneersut imaluunniit imaluunniit nunanit Kattuffimmit isumaqatigiissuteqarfigisaneersut immikkoortortaqarfiinut, immikkoortortaqarfiup Aningaasaateqarfimmut attaveqarfiginninnera apeqqutaatinnagu.

Imm. 3. Sulliviit immikkoortortaqarfiillu imm. 1, nr. 1-5-imi taaneqartut kinguliini aningaaserivinnik taagorneqassapput.

Imm. 4. Taarsigassarsisitsisarfiit aningaasalersuisarfiillu immikkoortortaqarfii Kalaallit Nunaanni angerlarsimaffillit immikkoortortaqarfii nunani Europamiut Kattuffiata avataaniittuni inissisimasut Unionip aamma Kalaallit Nunaata aningaasalersuisarnikkut isumaqatigiissuteqarfiginngisai, nunat Unionimit isumaqatigiissuteqarfigisat pinnagit, Aningaasaateqarfimmi ilaasutut toqqaasinnaapput immikkoortortaqarfik nunami najorallakkami qularnaveruusiisarnermik aqqissuussinermi pineqartunut ilaassappat.

Imm. 5. Nalunaarummi uani aalajangersakkat atorunnaarsitsiartornermut immikkoortortamut tungasut, aningaaserivinnut § 1, imm. 1, nr. 1-imi taaneqartunut kisimi atuupput.

Immikkoortorta qarfiit ilannguttut

§ 2. Aningaaseriviit § 1, imm. 1, nr. 5-imi taaneqartut Aningaasaateqarfimmut ilanngussinnaapput qularnaveerusiisarnermik aaqqissuussinermit aningaaseriviup nunami angerlarsimaffimmini ilaaffigisaanut ilapittuutit, Danmarkimi aaqqissuussineq aningaasaliisartut aningaasalersuisullu qularnaveerusiissutissanut aningaasaateqarfik pillugu inatsimmi, peqqussutikkut atuutilersinneqartumi, kapitali 5-imi taaneqartut aningaaseriviup angerlarsimaffittut nunaani aaqqissuussinermit annerusunik matusiviginnissinnaassappat.

Imm. 2. Imm. 1 malillugu tapertatut matusissutissanik pineqarput aningaasat Aningaasaateqarfiup matusissutissatut akiliuteqarneratigut angerlarsimaffittut nunagisap qularnaveerusiissutissatigut aaqqissuussineranit akiliutaasussaniit annerulersitsisut.

Imm. 3. Tapertatut matusissutissanik naatsorsuinermit Aningaasaateqarfiup malissavai aningaasalersuisunut qularnaveerusiisarnermik aaqqissuussineq pillugu Europa-Palamentip aamma Rådip peqqussutaani nr. 97/9/EF-mi 3. marts 1997-imeersumi ilanngussaq 2-mi tunngavigisassiat.

Aningaasaateqarfiup pigisai

§ 3. Aningaaseriviup immikkoortorta qarfianut, qularnaveerusiissutitalinnik taarsigassarsititsisarfiup immikkoortorta qarfianut aamma aningaasaatinik tuniniaasartut ingerlatseqatigiiffiup immikkoortorta qarfianut tunngatillugu Aningaasaateqarfiup ileqquusumik aningaasaatai katillutik minnerpaamik 3,2 mia. kr.-iussapput. Taamatuttaaq atorunnaarsitsiartornermut immikkoortorta qarfiup nammineq aningaasaatai minnerpaamik 3,2 mia. kr.-iussapput. Aningaasaateqarfiup taamatullu immikkoortorta qarfiit ataasiakkaat ilanngaattissat ilanngaatigereerlugit aningaasaataat naatsorsorneqartassapput qanoq-ilisukkulluunniit aningaasannorlugit akiliutitigut tiguneqartunit uninngasuutinillu kiisalu imm. 6-imi taaneqartut naatsorsuutitigut angusanit ukiumi pineqartumi tunniullugit akiliutissat matusissutissaattut aningaasartuutaasimasut kiisalu immikkoortitaajunnartut, tak. § 5, imm. 4, taarsigassarsiaajunnartullu, tak. aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi § 6, imm. 2 aamma 5, peqqussutikkut atuutilersinneqartut ilanngaatigalugit.

Imm. 2. Aningaasaateqarfiup taamatullu immikkoortorta qarfiit ataasiakkaat aningaasaataat pissarsiarineqartassapput aningaaserivinniit aningaasannorlugit akiliutitigut aamma ataatsimut akileeqaataassutinit, kiisalu imm. 6-imi taaneqartut naatsorsuutitigut angusanit. Taamaattorli atorunnaarsitsiartuarnermut immikkoortorta qarfiup aningaasaatai aningaaseriviit akileeqaataasussaatitaasut uninngasuutaannik kisisimi ima qarput. Aningaasat atoriaannaat minnerpaamik immikkoortorta qarfiup tamarmiusutut akileeqaataasutaasa naatsorsuutitigullu angusat 25 pct.-erissavaat. Aningaasat atoriaannaatit 25 pct.-it inulissappatigik akileeqaataassutitigut siullertut takkuttussatigut iluarsivigeqqinneqassapput.

Imm. 3. Immikkoortorta qarfiup ilanngaattissat ilanngaatigereerlugit aningaasaatai minnerpaatut piumasarineqartunit § 4-mi aalajangerneqartunit annikinneruppata minnerpaatut piunarsaqaataasut naammassiniarlugit iluarsiviginninnissami tulliuuttumi akileeqaataassutinit akiliisitsiniaasoqassaaq. Tamanna aamma atuutissaq aningaasaliisartut aningaasalersuisullu qularnaveerusiissutissanut aningaasaateqarfik pillugu inatsimmi, peqqussutikkut atuutilersinneqartumi § 7, imm. 1, oqaaseqatigiit aappaanni aalajangersarneqartumit atorunnaarsitsiartornermut immikkoortorta qarfiup aningaasaatai minnerpaaffissaatitanit minneruppata. Akileeqaataassutissat annertussusissaat

siulersuisunit aalajangerneqassaaq, taamaattoq tak. aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi, peqqussutikkut atuutilersinneqartumi, § 7, imm. 3.

Imm. 4. Immikkoortortaqarfik aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi, peqqussutikkut pilersinneqartumi § 6, imm. 2 aamma 5, naapertorlugu taarsigassarsisimappat, immikkoortortaqarfiup tamarmiusumik akileeqataassutissai aamma imm. 6-imi taaneqartutut naatsorsuutitigut angusassai minnerpaamik naapertuutissapput § 4-mi minnerpaatut piumasagaataasunut, taarsigassarsiat akilersorneqarnissaat aallartinneqartinnagu. Taarsigassarsiat ernialersorneqassapput utertillugit akilersuilersinnaanissaq tikillugu.

Imm. 5. Ukiumi naatsorsuusiorfiusumi Aningaasaateqarfimmut akiliutitigut uninngasuutissatullu akileeqataassutissanik agguataarineq Aningaasaateqarfiup siulersuisunit aalajangersarneqassaaq.

Imm. 6. Aningaasaateqarfiup naatsorsuutitigut angusai aningaasaatinut nuunneqassapput.

§ 4. Aningaaseriviup immikkoortortaqarfiata ilanngaatisat ilanngaatigereerlugit aningaasaatai minnerpaamik 3. 180 mio. kr.-iussapput.

Imm. 2. Qularnaveerusiissutitalinnik taarsigassarsisitsisarfiup ilanngaatisat ilanngaatigereerlugit aningaasaatai minnerpaamik 10 mio. kr.-iussapput.

Imm. 3. Aningaasanik tuniniaasartutut ingerlatseqatigiiffiup ilanngaatisat ilanngaatigereerlugit aningaasaatai minnerpaamik 10 mio. kr.-iussapput.

§ 5. Immikkoortortaqarfiup tamarmiusumik akileeqataassutissai § 3, imm. 6-imi taaneqartunik naatsorsuutitigut angusanik tapiusikkat aammalu immikkoortitaajunnartunik, tak. imm. 4, ilanngaaseriikkat, sinniisuusimappata 1. januar killigalugu immikkoortortaqarfiit ataasiakkaat aningaaseriviit Aningaasaateqarfimmut tamarmiusumik akileeqataassutaannik iluarsiivigineqassapput, taamaalilluni aningaaseriviit ataasiakkaat tamarmiusumik akileeqataassutaat aningaaseriviup akileeqataassutissatut naatsorsugaanut naapertuuttunngorlugit, tak. §§ 7 aamma 8. Utertitsilluni akiliuteqarnertut imaluunniit isumakkeerintut ilusilimmik iluarsiiviginninnissaq aatsaat pisinnaassaaq akileeqataassutissanik akiliisoqareerpat aammalu ukiumi ingerlasumi tamarmiusumik akileeqataassutit uppernarsarneqareerpat. Ukiumoortunik utertitsilluni akiliutissat imaluunniit isumakkeerutissat ukiumi akileeqataassutit akilikkanii/uninngasuutit uppernarsarneqartuniit annertunerussanngillat.

Imm. 2. Aningaaseriviup akileeqataassuteqartussaana atuu-kkunnaarpat, tak. § 6, imm. 4 aamma 5, aningaaserivimmut pineqartumut imm. 1-mi maleruagassanut naapertuuttunik utertitsilluni akiliuteqartoqassaaq imaluunniit isumakkeerisoqassaaq. Utertitsisoqarnissaa imaluunniit isumakkeerisoqarnissaa tikillugu aningaaseriviup akileeqataassutai aningaasaateqarfiup pisussaaffinnut atorsinnaavai, tak. § 6, imm. 10. Aningaaseriviup akileeqataassuteqartussaana majip 1.-anni kingusinnerusukkulluunniit atuu-kkunnaassappat, aningaasaateqarfiup siulersuisuisuisa aalajangersinnaavaat utertitsilluni akiliinissaq imaluunniit isumakkeerinnissaq siusinnerpaamik pissasoq ukiumi tullermi julip 1.-at killigalugu. Aningaaseriviup atorunnaartup uninngasuutini akilersinninnaavai aningaasaateqarfiup taarsigassarsisitsisarfinniit imaluunniit sillimmasiisarfitut ingerlatseqatigiiffimmiit minnerpaamik uninngasuutit taakkua annertoqataannik qularnaveeqquserneqarneratigut. Aningaasaateqarfiup siulersuisuisa piumasarisinnaavaat aningaaseriviup atorunnaartup uninngasuutaasa taarsigassarsisitsisarfinniit imaluunniit sillimmasiisarfitut ingerlatseqatigiiffimmiit qularnaveerusiissutinik taarserneqarnissaat.

Imm. 3. Immikkoortortaqarfiup ilanngaatisat ilanngaatigereerlugit aningaasaatai akiliisinnajunnaqqasup pigisaaniit, Aningaasaateqarfiup aningaasaliisuusut

anigaasalersuisulluunniit piumasaqaataannik akiliisussanngornerani, agguagarsisitsinissamut atatillugu § 4-mi minnerpaatut piumasaqaataasunit annertuneruppata, Anigaasanut Nakkutilliisuutitat akuersisillugit anigaasaatit taakku anigaaserivinnut akiliisinnaajunnaartup pigisaasa matusivigineqarneranni atorneqartunik anigaasaliissuteqarsimasunut utertinneqassapput. Siulersuisut aalajangersinnaavaat, anigaasaatit anigaaserivinnut, agguagarsisitsinissap nalaani immikkoortorta qarfiimmut pineqartumut, tak. § 6, imm. 4 aamma 5, akileeqataassuteqartussaajunnaarsimasunut, utertinneqartussat Anigaasaateqarfimmiiginnassasut anigaasaateqarfiup pigisaasa ilaattut, anigaasaatit taama ittut annikitsuinnaasimassappata.

Imm. 4. Imm. 1 malillugu iluarsiiviginninnissaq pilersinnagu, anigaasaateqarfiup siulersuisui immikkoortorta qarfiup anigaasaataaniit immikkoortitsisinnaapput, immikkoortorta qarfiup pisimasunut pereersimasunut anigaasaateqarfiup matusivigisassaanut taarsigassarsiaasimasunullu atasumik pisussaaffiitut matusissutissatut pisariaqarsorineqartunik, tak. anigaasaliisut anigaasalersuisullu qularnaveerusiiffiginissaannut anigaasaateqarfik pillugu inatsimmi, peqqussutikkut atuutilersinneqartumi § 1 aamma § 6, imm. 2 aamma 5.

Imm. 5. Immikkoortorta qarfiup pisussaaffiisa matusiviginissaanut anigaasartuutunik akiliineq siullermik pissaaq immikkoortorta qarfiup naatsorsuutitigut angusaanik nuussanik, tak. § 3, imm. 6, tamanna pereerpat anigaasanngorlugit akileeqataassutunik kingullertullu uninngasuutissatut akilikkanik taarsigassarsiaasimasunillu akiliinikkut.

Akileeqataassuteqartussaaneq

§ 6. Anigaasaateqarfimmut akileeqataassutunik akiliuteqartussaapput anigaaseriviit § 1, imm. 1, nr. 1-5-imi taaneqartut.

Imm. 2. Anigaaseriviit § 1, imm. 1, nr. 1-4-mi taaneqartut akileeqataassuteqarnissamut pisussaanerata atuutilissaaq piffissamiit anigaaseriviup ingerlataqarnissamut akuersissummik tunineqarfigisaaniit, tak. anigaasalersuineramik ingerlataqarneq pillugu inatsimmi, peqqussutikkut atuutilersinneqartumi § 7, imm. 1, § 8, imm. 1, § 9, imm. 1, aamma § 10, imm. 2.

Imm. 3. Anigaaseriviit § 1, imm. 1, nr. 5-imi taaneqartut akileeqataassuteqarnissamut pisussaanerata atuutilissaaq piffissamiit Anigaasaateqarfimmut attaveqalerneramik Anigaasaateqarfiup nalunaarutisiffigisaaniit.

Imm. 4. Anigaaseriviit § 1, imm. 1, nr. 1-4-mi taaneqartut akileeqataassuteqarnissamut pisussaanerata atorunnaassaaq piffissamiit anigaaseriviup anigaasalersuisarnermik ingerlataqarneq pillugu inatsit naapertorlugi ingerlataqarunnaarfigisaaniit. Akileeqataassuteqarnissamut pisussaanerup atorunnaareernerani anigaasaateqarfik peqquneqarsinnaanngilaq Anigaasaateqarfimmut uninngasuutissanik akileeqqullugu. Anigaaserivik anigaaserivimmut allamut kattutissappat imaluunniit anigaaseriviup sulissuteqarnini immikkoorto qarfiup taanaasup iluani Anigaasaateqarfimmut ilaasumut anigaaserivimmut tunniutissappagit anigaaseriviup akileeqataassuteqarnissamut pisussaanera atorunnaartutut naatsorsuunneqassanngilaq. Anigaaserivik ingerlaqqittussaaq anigaaseriviup atorunnaartup Anigaasaateqarfimmut piginnaatitaaffiini pisussaaffiinilu atuutilissaaq. Anigaaserivik anigaaserivimmut Anigaasaateqarfiup immikkoortorta qarfiinut allanut attaveqartumut kattutissappat anigaaseriviup atorunnaartussap akileeqataassuteqarnissamut pisussaanera atorunnaartutut naatsorsuunneqassaaq. Aamma taamaassaaq anigaaserivimmut Anigaasaateqarfiup immikkoortorta qarfiinut allanut ilaasussatut allanngortinneqartumut tunngatillugu.

Imm. 5. Anigaaseriviit § 1, imm. 1, nr. 5-imi taaneqartut akileeqataassuteqarnissamut pisussaanerata atorunnaassaaq anigaaserivik Anigaasaateqarfimmut attaveqarunnaarpat, tak. § 28.

Imm. 6. Anigaaserivik anigaasaateqarfimmut siullermesumik akileeqataassutunik akiliisaaq anigaaseriviup akileeqataassuteqarnissamut pisussaanerata atuutilernerannit ukiup ataatsip

qaangiunnerani akileeqataassutininik iluarsiviginninnikkut, taamaattoq tak. § 11, imm. 4. Aningaaserivilli ilannguterlaaq piffissami aningaaseriviup immikkoortorta qarfimmi taanaasumi ilaasup akiliisarnermik unitsitsinermik nalunaaruteqarfigisaani imaluunniit akiliisinnaajunnaarfigisaani, aningaaseriviup Aningaasaateqarfimmi ilaajunnaarneratigut taamaattoq aningaaserivik ilannguterlaaq ilassutitut akileeqataassutissanik akileeqquneqarsinnaavoq. Ilassutitut akileeqataassutit taakkua matusivigissavaat immikkoortorta qarfiup akiliisarnermik unitsitsinermut imaluunniit akiliisinnaajunnaarnermut akileeqataassutininik aningaasalersukkatut aningaasartuutai akileeqataassutininik iluarsiviginninnissaq tulliuuttoq siulleq angullugu akilerneqartartussat. Ilassutitut akileeqataassutissanik akiliisitsiniarneq kinguneqassappat aningaaseriviit akileeqataassuteqarnissamut pisussaasut allat ilassutitut akileeqataassuteqarnissaannik, aningaaseriviit § 6, imm. 4 aamma 5 naapertorlugit akileeqataassuteqarnissamut pisussaajunnaarsimasut taamatut akiligassinneqassanngillat.

Imm. 7. Aningaaseriviup akileeqataassuteqarnissamut pisussaanera § 6, imm. 4 aamma 5 naapertorlugit atorunnaassappat suli akileeqataasussanngortitaatinnagu aammalu akileeqataassuteqarnissamut pisussaaneq atorunnaartinnagu immikkoortorta qarfimmi pineqartumi akiliisinnaajunnaarneq imaluunniit akiliisarnermik unitsitsineq pisimappat, Aningaasaateqarfik aningaaserivimmu akileeqataassutininik akiliisitsiniarsinnaavoq Aningaasaateqarfiup akiliisinnaajunnaarnermut imaluunniit akiliisarnermik unitsitsinermut atasumik akileeqataassutininik aningaasalersukkatut aningaasartuutaanut aningaaseriviup matuseqataassutissaanik. Aningaaserivik Aningaasaateqarfimmut pisariaqartitaanik paasissutissiisussaavoq sulissuteqaatini pillugit aningaasaateqarfiup akileeqataassutissanik naatsorsuiniarnerani atugassanik. Akileeqataassutissat annertussusissaat Aningaasaateqarfimmit aalajangerneqassapput.

Imm. 8. Aningaaserivik, piffissami Aningaasaateqarfiup aningaaserivimmik atorunnaarsitsiniarnermi peqataasimanerata nassatarisaatut Aningaasaateqarfimmit pisassaqaateqarfiusoq, taamaallaat uninngasuutissatut immikkoortitaatiminik pissarsisinnaavoq, aningaasanngorlugit akileeqataassutit Aningaasaateqarfimmut nakkartussaatiillugit.

Imm. 9. Ukiup naatsorsuusiorfiusup ilaani imm. 2-5 malillugit akileeqataassutissat naatsorsorneqassapput ukiumi naatsorsuusiorfiusumi aningaaseriviup naatsorsugaasa amerlassusiisa agguaqatigiissinnerattut.

Imm. 10. Aningaaseriviit tamarmiusumik akileeqataassutissaat aningaasaateqarfimmit atorneqarsinnaapput aningaasaateqarfiup pisussaaffiisa tamarmiusut matusiviginissaannut. Aningaasaateqarfik aningaaseriviup atorunnaartup § 6, imm. 4 aamma 5 naapertorlugit akileeqataassutaanik tunniullugit akiligaqanngikkallartillugu imaluunniit atugassanngortitsisinnagu akileeqataassutit taakku aningaasaateqarfiup pisussaaffiitut atorneqarsinnaapput, aningaasaateqarfimmut pisussaaffealersitsisup pinerani aningaaseriviup akileeqataassuteqartussaaneq atorunnaarsimagaluarpuunniit. Aamma taamaassaaq aningaaserivimmu pisussaaffealersitsisup pinerani aningaaseriviup akileeqataassuteqarnissamut pisussaaneq atuutilersimannikkaluartorluunniit, tak. imm. 1-3.

Akileeqataassutissanik naatsorsuineq

§ 7. Aningaaseriviit ataasiakkaat akileeqataassutissaat naatsorsorneqassapput aningaaseriviit ilanngaatisat ilanngaatigereerlugit isertitaat matusivigisat, aningaasanngorlugit pigisaat matusivigisat aamma pappiaqqatut nalilittut (pigisaat matusivigisat) tunngavigalugit.

Imm. 2. Aningaaseriviup immikkoortortaani immikkoortoqarfiup tamarmiusumik akileeqataassutaasa 3000/3180-imik agguarneri aningaaserivinnut ataasiakkaanut ilanngaatisat ilanngaatigereerlugit aningaasaliissutaat matusivigisat tunngavigalugit aammalu 180/3180-imik agguarneri pappiaqqat aningaasanik nalillit toqqortitat tunngavigalugit agguataarneqassapput.

Ilanngaatissat ilanngaatigereerlugit aningaasaliissutit matusivigisat pillugit akileeqataassutit naatsorsorneqassapput § 9-mi, tak. aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi, peqqussutikkut atuutilerinneqartumi §§ 12-14, aningaasaliissutit taaneqartut tunngavigalugit.

Imm. 3. Qularnaveerusiissutitalittut taarsigassarsisitsisarfiit immikkoortortaqarfiini aningaasanngorlugit aningaasaatit tunngavigalugit akileeqataassutissat annertussuseqassapput aningaasanngorlugit aningaasaatit matusivigisat 1 pct.-iattut. Akileeqataassutit sinneruttut agguataarneqassapput pappiaqqanik nalilinnik toqqortitat amerlassusaat tunngavigalugit. Aningaasanngorlugit aningaasaatit matusivigisat pillugit akileeqataassutit naatsorsorneqassapput, taamaattoq tak. aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi, peqqussutikkut atuutilersinneqartumi § 10, tak. §§ 12-14, taarsigassarsisitsisarfinnut akiitsunut naatsorsuutitigut aningaasartuutit tunngavigalugit allallu piffissanut killiliissutit aningaasartuutit aamma pappiaqqanik nalilinnik niuernermt atatilugit akiligassat allat tunngavigalugu, tak. inuit ataatsimoortut matusivigisat pillugit pappiaqqanik nalilinnik niuerneq il. il. pillugit inatsimmi § 1.

Imm. 4. Aningaasanik tuniniaasartutut ingerlatseqatigiiffiit immikkoortortaqarfianni aningaasanngorlugit aningaasaatut tunngavigalugit akileeqataassutissat annertussuseqassapput aningaasanngorlugit aningaasaatit 1 pct.-iattut. Akileeqataassutissat taakku naatsorsorneqassapput. taamaattoq tak. § 10, tak. aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi peqqussutikkut atuutilersinneqartumi §§ 12-14, aningaasanik tuniniaasartutut ingerlatseqatigiiffinnut tunngatillugu taarsigassarsisitsisarfinnut akiitsunut tunngatillugu naatsorsuutitigut aningaasartuutit, sullitat aningaasaliissutaasa nikingassutaat, toqqortitaat pisiareqqusanullu atasumik siumoorutit, sullitanut akiitsut tunisaqarnermiit aammalu utertillugit pisiareqqiinnermiit pisut kiisalu tunisaqarnermi utertillugillu pisiaqarnermi piviusuni sullitanut akiitsut aamma piffissanut killiliissutit aningaasartuutit allat kiisalu pappiaqqanik aningaasanik nalilinnik niuernermt atasumik akiligassatigut isumannaagassat allat tunngavigalugit, tak. inunnut ataatsimoortunmut matusivigisanut tunngatillugu pappiaqqanik aningaasanik nalilinnik niuerneq pillugu inatsimmi peqqussutikkut atuutilersinneqartumi § 1. Aningaasalersuinermi aqutsiveqarfittut ingerlatseqatigiiffinnut tunngatillugu akileeqataassutissat taakku naatsorsorneqassapput aningaasartuutit siuliinisut ittut, ingerlatseqatigiiffiit sulissuteqarnerinut, aningaasalersuisarnermik ingerlataqarneq pillugu inatsimmi §10, imm. 2, malillugu akuersissummi pineqartut, tunngavigalugit. Aningaasanngorlugit aningaasaatit pillugit akileeqataassutit pappiaqqanut nalilinnut tunngatillugu akileeqataassutit ilanngullugit minnerpaamik annertussuseqassapput immikkoortortaqarfiup tamarmiusumik akileeqataassutissaasa 55 pct.-iattut. Akileeqataassutissat sinneri tunngavigisassat makkua arlaat ataaseq arlallillunniit malillugit agguataarneqarsinnaapput: oqimaaqatigiissitat namminerlu aningaasaatit nikingassutaat tunngavigalugu aamma sulisorisat amerlassusaat tunngavigalugit naatsorsorneqassapput, tamatumani aningaasaliissutinik aqutsiveqarfittut ingerlatseqatigiiffiit pillugit taamaallaat aningaasalersuisarnermik ingerlataqarneq pillugu inatsimmi § 10, imm. 2 malillugu pineqartut sulissutigisaannut tunngatillugu.

Imm. 5. Aningaaseriviup atorunnaarsitsiartuarnermut immikkoortortaaanni immikkoortortaqarfiup akileeqataassutaasa tiguneqartut (uninngasuutaasa) 3010/3200-imik agguarneri aningaaserivinnut ataasiakkaanut ilanngaatissat ilanngaatigereerlugit aningaasaliissutaat matusivigisat tunngavigalugit aammalu 190/3200-imik agguarneri pappiaqqat aningaasanik nalillit toqqortitat tunngavigalugit agguataarneqassapput. Ilanngaatissat ilanngaatigereerlugit aningaasaliissutit matusivigisat pillugit akileeqataassutit naatsorsorneqassapput § 9-mi, tak. aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi, peqqussutikkut atuutilerinneqartumi §§ 12-14, aningaasaliissutit taaneqartut tunngavigalugit.

Imm. 6. September 2010 nalunaarutigisat, tak. § 13, imm. 2 aamma 2009-p naanerani pappiaqqat aningaasanik nalillit toqqortitat, tak. § 9, imm. 1 tunngavigalugit atorunaarsitsiartuaarnermut immikkoortortqarfiup 1. oktober 2010-mi uninngasuutai naatsorsorneqassapput. 1. januar 2011-imi uninngasuutit naatsorsorneqassapput september 2010 nalunaarutigisat, tak. § 13, imm. 2 aamma 2009-p naanerani pappiaqqat aningaasanik nalillit toqqortitat, tak. § 9, imm. 1 tunngavigalugit.

§ 8. Aningaaseriviup immikkoortortaqarfiani aamma qularnaveeqqusiissutitalittut taarsigassarsisitsisarfiup immikkoortortaqarfiani pappiaqqanut aningaasanik nalilinnut matusivigisanut tunngatillugu akileeqataassutissanik aningaaserivinnut agguataarineq pissaaq pappiaqqanut aningaasanik nalilinnut toqqorsivinni kontoini toqqortitat aningaaseriviit ataasiakkaat kontonut allattugassarisaasa amerlassusaat tunngavigalugu.

Imm. 2. Aningaasanik tuniniaasartutut immikkoortortaqarfimmut tunngatillugu pappiaqqat aningaasanik nalillit marlunngorlugit avinneqassapput: ingerlatseqatigiiffimmi toqqortitat aamma toqqorsivimmi allami toqqortitat, kisiannili ingerlatseqatigiiffimmit sullitaq akuersisillugu atorneqarsinnaatitaasut, taamaasilluni aningaasaliissutinik aqutsiveqarfittut ingerlatseqatigiiffinnut tunngatillugu taamaallaat ilaatinneqassallutik pappiaqqat aningaasanik nalillit ingerlatseqatigiiffiit aningaasalersuinermik ingerlataqarneq pillugu inatsimmi § 10, imm. 2, malillugu sulissuteqarneranneersut, Aningaasaateqarfiup siulersuisuisa pappiaqqanut nalilinnut matusivigisanut marlunngorlugit avitanut tunngatillugu akileeqataassutissat annertussusissaat aalajangersinnaavaat. Pappiaqqat aningaasanik nalillit niuernermi naliusut tunngavigalugit naatsorsorneqassapput.

Piffissaq naatsorsuiffissaq

§ 9. Aningaaseriviit aamma qularnaveeqqusiissutitalittut taarsigassarsisitsisarfiit ilanngaatisat ilanngaatigereerlugit matusivigisatut aningaasaliissutaat taamatullu matusivigisatut aningaasannorlugit aningaasaataat naatsorsorneqassapput martsimi septemberimilu naatsorsukkat marluusut agguaqatigiissinnerattut. Pappiaqqanik nalilinnik naatsorsuineq ataasiaannartumik pisassaaq ukiup naanerani.

Imm. 2. Aningaasanik tuninaasartutut ingerlatseqatigiiffiit aamma aningaasaliissutinik aqutsiveqarfittut ingerlatseqarfittut ingerlatseqatigiiffiit aningaasannorlugit aningaasaataat matusivigisat aamma nalilittut pappialaataat matusivigisat naatsorsorneqassapput qaammatit naaneri tamaasa naatsorsukkat aqqaneq-marluusut agguaqatigiissinnerattut, akileeqataassutissat sinnerisa annertussusissaat ukiup naanerani naatsorsorneqartassatillugu, tamatumani aningaasaliissutinik aqutsiveqarfittut ingerlatseqatigiiffinnut tunngatillugu naatsorsuinermi taamaallaat aningaasannorlugit aningaasaatit matusivigisat aamma pappiaqqat nalillit matusivigisat ingerlatseqatigiiffiit aningaasalersuinermik ingerlataqarneq pillugu inatsimmi peqqussutikkut atuutilersinneqartumi § 10, imm. 2, malillugu akuersissummi pineqartut sulissuteqarneranneersut ilanngunneqassallutik.

§ 10. Aningaasaateqarfiup siulersuisuisa akuerisinnaavaat §§ 7-9-mi naatsorsueriaatsinik aammalu siulersuisut erseqqinnerusumik aalajangersagaannik annikinnerusumik sanioqqutsisarnissat.

Akiliinerit il. il.

§ 11. Aningaaseriviit ataasiakkaat Aningaasaateqarfimmut tamarmiusumik akileeqataassutissaat ukiut tamaasa 1. januar killigalugu naatsorsorneqartassapput naatsorsuinerit § 9-mi taaneqartut

aammalu immikkoortortaqarfiup, aningaaseriviup akileeqataassuteqarnissamut pisussaaffigisaata taarsigassarsiariunnagai tunngavigalugit.

Imm. 2. Aningaasaateqarfik akileeqataassutissat akilerneqarnissaannut piffissaliissaaq, kingusinnerpaamillu julip aallaqqaataanut.

Imm. 4. Siulersuisut ukiup naatsorsuusiorfiusup ingerlanerani aningaaseriviit akileeqataassuteqartussaasut saniatigut akileeqataassutinik akiliinissaat aalajangiiffiginnaavaat, immikkoortortaqarfiup aningaaserivinnit attaveqarfigineqartup aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi, peqqussutikkut atuutilerinneqartumi § 7, imm. 1, oqaaseqatigiit aappaanni aningaasaliissutit taaneqartut tunngavigalugit minnerpaatut piunasaqaataasut naammassinnigippagit.

Akiliisarnermik unitsitsinerni aamma akiliisinnaajunnaarnerni taarsigassarsiat

§ 12. Aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi § 6, imm. 2, malillugu taarsigassarsiat ernialersorneqassapput CIBOR-itut ernianik (qaammatit pingasut).

Imm. 2. Immikkoortortaqarfiup immikkoortortaqarfimmit allamit taarsigassarsiat utertillugit akilersinnaalerpagit, tak. § 3, imm. 4, ukiumoortumik akiliutissat annertussusissaat siulersuisut aalajangissavaat, taamaattoq tak. aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi peqqussutikkut atuutilersinneqartumi § 7, imm. 3.

Imm. 3. Immikkoortortaqarfik arlaliusunik taarsigassarsisimappat taarsigassarsiat pisoqaaneruset siulliullugit akilersorneqassapput.

Imm. 4. Akiliutissat immikkoortortaqarfinnut taarsigassarsisitsisuusunut taarsigassarsiarititaat tunngavigalugit agguataarneqassapput.

Nalunaarusiat

§ 13. Aningaaseriviit ukiut naaneri tamaasa Aningaasaateqarfimmut nalunaarusiortassapput paasissutissat Aningaasaateqarfiup aningaaseriviit akileeqataassutissaasa tamarmiusut annertussusilernissaannut pisariaqartitai pillugit, tak. §§ 6-10. Nalunaaruteqarneq kingusinnerpaamik aprilip qaammataata naanerani pisassaaq.

Imm. 2. Atorunnaarsitsiartuaarnermi immikkoortortaqarfiup aningaasaataasa pilersinnerinut atugassatut 10. oktober 2010 tikitsinnagu aningaaseriviit immikkut ittumik nalunaarusiussapput.

§ 14. Aningaaseriviit § 1, imm. 1, nr. 1-4-mi taaneqartut pisussaaffigissavaat aningaasaliisut aningaasalersuisullu ataasiakkaat naliliutaasa mmatusivigisat naatsorsorsinnaanissaat.

§ 15. Aningaaseriviit § 1, imm. 1, nr. 5-imi taaneqartut pisussaaffigissavaat aningaasaliisut aningaasalersuisullu ataasiakkaat naliliutaasa matusivigisat aningaasanik aningaaseriviup nunami angerlarsimaffigisaani Aningaasaateqarfimmit matusivigisanik ilanngaaserlugit naatsorsorsinnaanissaat, tak. § 2, imm. 2.

Imm. 2. Aningaaseriviup qinikkatut kukkunersiuuisua misissortassavaat imm. 1-ip naammassineqarsimanissaa tamannalu Aningaasaateqarfimmut nalunaarutigalugu.

Paasissutissiineq

§ 16. Aningaaseriviit immikkoortorta qarfiillu § 1, imm. 2-mi taaneqartut ininini sullissivigisaminni, aningaasaliisunit aningaasalersuisunillu nalinginnaasumik iserfigineqarsinnaasuni takulertorneqarsinnaasutut allagartaliinikkut erseqqissumik paasissutissiissutigissavaat aningaasaliisut aningaasalersuisullu aningaasaliissutit aningaasalersuutillu qularnaveerusiivigineqartarnerannik aaqqissuussinerit aningaaseriviup imaluunniit immikkoortorta qarfiup § 1, imm. 2-mi taaneqartup attaveqarfigisaat pillugit allaganngukkatut paasissutissat sumi pissarsiarineqarsinnaanersut.

Imm. 2. Aningaaseriviit immikkoortorta qarfiillu imm. 1-mi taaneqartut internet aqutugalugu ningaasaliiffigineqartarpata imaluunniit sullissat sinnerlugit aningaasalersuinernik ingerlataqarpata aningaaseriviup qarasaasiatigoortumik paasissutissiiviani tamanna taamatulli paasissutissiissutaassaaq.

§ 17. Paasissutissiisarneq § 16-imi eqqartorneqartoq minnerpaamik makkuninnga paasissutissartaqassaaq:

- 1) aningaasaliisunut aamma aningaasalersuisunut qularnaveerusiissutissanit naliliut imaluunniit naliliutit matusivigisat suut matusivigineqarnerisut,
- 2) matusissutit annertussusaat,
- 3) aningaasat matusivigisat naatsorsornerat,
- 4) toqqorseriaatsit immikkut ittut tamakkiisumik matusivigisassatut qularnaakkat,
- 5) toqqortitat aningaasannorlugillu aningaasaatit aaqqissuussinermi pineqanngitsut,
- 6) pappiaqqat aningaasanik nalillit, aaqqissuussinermi pineqanngitsut, aamma
- 7) aningaasaliisut imaluunniit aningaasalersuisut Aningaasaateqarfimmiit akiliisoqassatillugu qanoq iliuuseqarnissaat.

Imm. 2. Aningaaserivik § 2, imm. 1-mi taaneqartut Aningaasaateqarfimmut aningaaseriviup nunami angerlarsimaffigisaani qularnaveerusiissutaasunut matusissutissanut ilassutit attaveqarfeqalissappat tamanna paasissutissiissutaassaaq. Aamma taamaassaaq, immikkoortorta qarfinni § 1, imm. 2-mi taaneqartuni aningaasaliissutinik matusiviginninnissaq Aningaasaateqarfiup akiliutaanut naapertuutissappat, nunamili angerlarsimaffigisami akiliutaasinnaasuniit annikinnerulluni.

Imm. 3. Aningaaserivik § 1, imm. 1, nr. 5-imi taaneqartut Aningaasaateqarfimmut attaveqarfeqalersimappat, tak. § 2, imm. 1, Aningaasaateqarfiup nalunaarutigissavaa immikkoortorta qarfiup ilassutit matusiviginninnissaq qinerusussanngikkaa, taava aningaasaliisut aningaasalersuisullu ataasiakkaat tamarmik immikkut tamatuminnga allaganngorlugu paasissutissinneqassappat, aamma aningaaseriviup taaneqartut ilassutit matusiviginninnissamik qinigaqarumanninnerata aningaasaliisumut aningaasalersuisumullu sutigut kingunerisassaqaarnissaa pillugu.

Imm. 4. Paasissutissiineq imm. 1-3-mi eqqartorneqartoq minnerpaamik qallunaatuujussaaq paasiuminartunillu oqaasertalersugaassalluni.

Imm. 5. Paasissutissiineq imm. 1-imi aamma 2-mi eqqartorneqartoq ussasaariniutaassanngilaq.

§ 18. Nunami Europamiut Kattuffiata avataaniittumi imaluunniit nunani Kattuffimmit aningaasalersuisarnermik suleqatigiinnissaq pillugu isumaqatigiissuteqarfiusumi aningaaseriviit § 1, imm. 1-3-mi taaneqartut immikkoortorta qarfiit nunami inissisimaffigisaminni aningaasaliisunut aningaasalersuisunullu paasissutissiisassappat malittarisassat nunami tassani aalajangersarneqartut malillugit.

Nalunaarutit nalunaarutiginninnerillu

§ 19. Aningaaseriviup akiliisarnermik unitsitsineranik imaluunniit akiliisinnaajunnaarneranik nalunaarut, akiliisarnermik unitsitsinerup imaluunniit akiliisinnaajunnaarnerup ullut aningaaseriviup ammaffiisa sisamat qaangiunneranni Aningaasaateqarfimmit ilisimaneqalerneraniit ullut aningaaseriviup ammaffii 11-t qaangiutsinnagit Aningaasaateqarfimmit aviisimi imaluunniit aviisini arlalinni aningaaseriviup angerlarsimaffittut nunaani ullormut saqqummersartuni kiisalu aviisimi nuna tamakkerlugu saqqummersartumi Statstidendemilu nalunaarutigineqassaaq.

Imm. 2. Taamatuttaaq nalunaaruteqartoqartassaaq sumiiffinni aningaaseriviup § 1. imm. 1, nr. 1-3-mi taaneqartutut immikkoortortaqarfisaani. Nalunaarut nunami immikkoortortaqarfiup pilersinneqarfisaani oqaatsit tamanit atugaasut atorlugit oqaasertaqartitaassaaq.

§ 20. Nalunaarut makku pillugit paasissutissartaqassaaq:

- 1) aningaaseriviup aqqa nunamilu angerlarsimaffigisaani najugaa,
- 2) akiliisinnaarnerisooq imaluunniit akiliisarnermik unitsitsinersooq,
- 3) ulloq akiliisarnermik unitsitsiviusooq imaluunniit ulloq akiliisinnaajunnaarnerup nalunaarutigineqarfisaa, aningaaserivik akiliisarnermik unitsitseqqaarani akiliisinnaajunnaartutut nalunaarutaasimappat,
- 4) aningaasaliisut aningaasalersuisullu aningaaserivimmiit toqqaannartumik imaluunniit Aningaasaateqarfimmiit kingusinnerpaamik ullormit taaneqartumit qaammat ataaseq qaangiutsinnagu nalunaarutigineqassanersut,
- 5) nalunaarut nr. 4-mi taaneqartutut tiguneqarsimangippat aningaasaliisut aningaasalersuisullu sumut saaffiginnissinnaanersut,
- 6) piumasaqaatinik nalunaarutiginnissut aningaaserivimmut tunniunneqassasooq, aamma
- 7) nalunaarutiginninnissamut piffissarititaq aamma kingusinaartumik nalunaarutiginninnerup kingunerisassai.

§ 21. Aningaasaateqarfiup pisussaaffigissavaa akiliisarnermik unitsitsinerup atuutilerneraniit imaluunniit ullormiit akiliisinnaajunnaarnerup nalunaarutigineqarfisaaniit kingusinnerpaamik qaammat ataaseq qaangiutsinnagu aningaaseriviup aningaasaliisunut aningaasalersuisunullu akiligassaasa tamarmiusut, ilanngullugit erniat ulloq § 20, nr. 3-mi peqqussutaasooq tikillugu ilanngullugulu naatsorsukkat, allattorsimaffiannik pineqartunut naassitsinissaq. Allattorsimaffik taanna nalunaarutiginnittarneq pillugu ilitersuusiamik ilanngussivigisaassaaq. Aningaasaateqarfimmit qinnuigineqarmigut piffissamik killiliussaq oqaaseqatigiinni siullerni taaneqartoq ullunut qulinut killilerlugu Aningaasanik Nakkutilliisoqafiup sivitsorsinnaavaa.

Imm. 2. Aningaasalersuisut nalilittut pappialaataasa toqqortitat allattorsimaffii aningaasalersuisunut pineqartunut nassiunneqassapput akiliisarnermik unitsitsineq pillugu nakkutilliisuutitanit imaluunniit paarinnittussanngortitap (kurator) aalajangersimappagu pappiaqqat nalillit tunniunneqarsinnaanngitsut. Taamaattorli pappiaqqat nalillit, tunniunneqarsinnaanngitsut, allattorsimaffii nassiussuunneqassapput akiliisarnermik unitsitsinermiit imaluunniit akiliisinnaajunnaarnermiit kingusinnerpaamik qaammatit arfinillit qaangiutsinnagit.

Imm. 3. Allattorsimaffiup imm. 1-imi taaneqartup suliarinerani atugassatut akilersuinerup unitsinnerani taamatullu akiliisinnaajunnaarnermik nalunaaruteqarnermit aningaasaliisut pigisatut matussusigaasa naatsorsornerat aamma Aningaasaateqarfimmut paasissutissiissutit pisariallit taaneqarnerannit nal.ak. 24-it qaangiutsinnagit aningaaseriviit elektroniskiusumik nalunaarutigissavaat.

§ 22. Allattorsimaffik § 21, imm. 1-imi taaneqartoq minnerpaamik makkuninnga imaqassaaq:

- 1) aningaasaliisup aningaasalersuisullu aqqi najugaalu,

- 2) CPR imaluunniit CVR normu imaluunniit pineqartoq CPR imaluunniit CVR normoqanngippat tamatumunnga nallersuuttumik uppersaatissaq,
- 3) ulloq naatsorsuiffik,
- 4) aningaasaliisup imaluunniit aningaasalersuisup toqqortitanut atukkiussanullu kontoi aamma aningaasannorlugit aningaasaatai allat kiisapi pappiaqqat aningaasanik nalillit kontonormu aamma kontotype kiisalu toqqorsiviup normua taallugit, kiisalu
- 5) aningaasaatit, aningaasaliisut aningaasalersuisullu qularnaveerusiiffiginissaannut aningaasaateqarfik pillugu inatsimmi peqqussutikkut atuutilersinneqartumi § 9, imm.2 aamma 3 naapertorlugit tamakkiisumik matusivigineqartussatut Aningaasaateqarfimmit inatsimmi § 9, imm. 4 naapertorlugu aalajangiiffigineqarsimasut allattorsimaffiat.

§ 23. Allattorsimaffik § 22, imm. 1-imi taaneqartoq Aningaasaateqarfimmut piumasaqaatinik nalunaarutiginninnermi tunngaviussaaq.

Imm. 2. Suli allatigut piumasaqaatit pisussaaffiilluunniit aningaasaliisumit aningaasalersuisumilluunniit allattorsimaffimmut allanneqassapput pisariaqarneratullu uppersaasigaassapput.

Imm. 3. Allattorsimaffimmut atsiornikkut aningaasaliisup imaluunniit aningaasalersuisup aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi peqqussutikkut atuutilersinneqartumi § 23 naapertorlugu pillaatissanut akisussaaffiginninnissaq tunngavigalugu uppersassavaa paasissutissat taaneqartut eqqortuunerat.

§ 24. Aningaasaateqarfimmut piumasaqaatinik nalunaarutiginnissut danskit aningaaseriviannut, aningaasaliisup aningaasalersuisullu kiussusaannik misissuereernikkut nalunaarutiginnissummik Aningaasaateqarfimmut inissutaasumik misiliinissamat tunniussisussamat, tunniunneqassaaq

Imm. 2. Immikkut ittunik pisoqartillugu Aningaasaateqarfiup siulersuisuisa akuerisarsinnaavaat Aningaasaateqarfimmut piumasaqaatinik nalunaarutiginninnissamat tassangaanniillu akiliinissamat malittarisassanik sanioqqtisarnissat.

§ 25. Aningaasaateqarfimmut piumasaqaatinik nalunaarutiginnissut aningaaserivimmut tunniunneqassaaq ullormiit § 21, nr. 3, malillugu peqqussutaasumiit kingusinnerpaamik qaammatut arfinillit qaangiutsinnagit.

Imm. 2. Qaammatit pingasut qaangiutsinnagit imm. 1 naapertorlugu nalunaartoqanngippat, Aningaasaateqarfiup pisussaaffigissavaa aningaasaliisunut aningaasalersuisunullu 100 kr.-it sinnerlugit matusivigisanik naliliutilinnut allattorsimaffimmik § 22, imm. 1-imi taaneqartumik nassiussueqqinnissaq.

Imm. 3. Nalunaarutiginnissut ullormiit § 20, nr. 3, malillugu peqqussutaasumiit qaammatit arfinillit sinnerlugit kingusinnerusukkut tunniunneqassappat Aningaasaateqarfimmut piumasaqaatit atorunnaassapput, aningaasaliisup imaluunniit aningaasalersuisup uppersarsinnaanngippagu piumasaqaatini pillugit piffissaalluartillugu nalunaarutiginninnissamat periarfissaqarsimanani. Aningaasaateqarfiup, immikkut ittunik pissutissaqartillugu, piffissarititaasoq atuutsinngitsoorsinnaavaa. tamatumanili Aningaasaateqarfiup pigisani nalunaarutiginnissuteqarnissaa naatsorsuutigalugu.

§ 26. Aningaasaateqarfik piumasaqaataasunik sapinngisamik piaarnerpaamik misiliisassaaq, tamanna pereerpat qularnaveerusiissutit aningaasartaat tunniullugit akilerneqartussanngussallutik imaluunniit aningaaserivik nalunaarutiginnittuusoq aqqtugalugu nuussassanngussallutik.

Imm. 2. Aningaasaateqarfimmut piumasaqaatinik, aningaaserivimmiit Aningaasaateqarfimmut ilassutitut attaveqalersimasumiit, tak. § 2, pisunik tunniullugit akiliinissaq aatsaat pisinnaassaaq

Aningaasaateqarfik aningaaseriviup angerlarsimaffittut nunaani pisortanit aalajangiisinnaatitaasuniit nalunaarutisisimappat naliliutit matusivigisat atorneqarsinnaanngitsut.

§ 27. Aningaaserivik § 1, imm. 1, nr. 5-imi pineqartoq Aningaasaateqarfimmut attaveqarfeqalersimappat, tak. § 2, imm. 1, Aningaasaateqarfik nunami angerlarsimaffiusumi taarsiissutissanik akiliinissamut periaasissat pillugit qularnaveerusiissutinik aaqqissuussisunut isumaqatigiissuteqassaaq. Nalunaaruteqarneq aamma nalunaarutiginninneq pillugit malittarisassanik, tak. §§ 19-26, annikinnerusutigut sanioqqutsinissaq isumaqatigiissutigineqarsinnaavoq, sanioqqutsisoqartariaqassappat aningaasaliisut aningaasalersuisullu piaartumik eqqortumillu taarsiissutisinissaat qularnaarniarlugu.

Attaveqarfiginnikkunnaarneq

§ 28. Aningaaseriviit § 1, imm. 1, nr. 5-imi taaneqartut Aningaasaateqarfimmut attaveqarfiginnigunnaassapput aningaaseriviup Kalaallit Nunaanni ingerlatsinerata unitsinneqarneraniit qaammat ataaseq qaangiuppat, taamatullu aningaaseriviup Aningaasaateqarfimmut attaveqarfiginninnermi atorunnaarnissaanik Aningaasaateqarfimmut nalunaaruteqarneraniit qaammat ataaseq qaangiuppat.

Imm. 2. Aningaaseriviup attaveqaataaruttup akileeqaataassutitut akilersimasai utertillugit akilerneqassapput/isumakkeerneqassapput § 5. imm. 1-mi aamma 2-mi aalajangersagaq malillugu.

Atorunnaarsitsineq

§ 29. Aningaasaateqarfik atorunnaarsinneqassappat, aningaasaqarnermut inuusutissarsiornermullu ministerip aningaasanut ministerimit akuerineqarnikkut aalajangiiffigissavaa Aningaasaateqarfiup pigisaanik atuinissaq.

Imm. 2. Imm. 1-imi taaneqartut aalajangiineq aningaaserivinnik tusarniaaviginnereernikkut aalajangiinerussaaq.

Atortuulersitsineq

§ 30. Nalunaarut manna atuutilerpoq ulloq 15. december 2010.

Imm. 2. Aningaasaliisut aningaasalersuisullu qularnaveerusiiffiginissaannut Aningaasaateqarfik pillugu nalunaarut nr. 1055, 8. december 2003-meersoq atorunnaarpoq.

Aningaasanut Nakkutilliisuutitat, ulloq 3. december 2010

ULRIK NØDGAARD

/Kristian Vie Madsen